



PREZIDÉNSIA KONSELLU MINISTRUS

V GOVERNUN KONSTITUSIONÁL

DÍLI, LORON 29 FULAN JULLU TINAN 2014

KOMUNIKADU IMPRENSA

Sorumutuk estraordináriu Konsellu Ministru nian iha loron 29 fulan Jullu tinan 2014

Governu hala'o sorumutuk estraordináriu iha tersa-feira, loron 29 fulan Jullu tinan 2014, iha sorumutuk Konsellu Ministru nian, iha Palásiu Governu, iha Díli, hodi halo análize ida detallada, hosi parte ministériu hothotu nian, kona-ba susesu no fragilidade ne'ebé hasoru durante organizasaun Simeira Komunidade País Lian Portugeza nian (CPLP sigla iha lian portugés) ne'ebé hala'o tiha ona iha Díli, husi loron 17 to'o loron 23 fulan ida-ne'e, no Sorumutuk ho Parseiru Dezenvolvimentu Timor-Leste nian ne'ebé hala'o tuir kedas, iha loron 25 no 26 fulan Jullu. Halo mós análize ida ba akordu sira entre Timor-Leste no país sira seluk CPLP nian durante Simeira ne'e.

Konsellu Ministru afirma katak eventua ne'e hala'o di'ak tebes, maibé atu organiza fali eventua hirak hanesan ne'e prezisa halo preparasaun ida iha tempu naruk.

Iha sorumutuk ne'e, Konsellu Ministru aprova ona:

1. Rezolusaun Governu nian ne'ebé haksolok ba populasaun timoroan hothotu no liuliu ba foin sa'e sira ninia kontributu hodi bele fasilita realizasaun Simeira CPLP Díli nian

Governu fó parabéns ba Povu Timor-Leste, liuliu ba joven sira, ne'ebé hatudu sira ninia ezemplu di'ak tebtebes hodi apoia realizasaun Simeira CPLP nian iha Díli. Governu fó hanoim mós, ba populasaun sira atu mantein sira ninia komportamentu ne'ebé di'ak tebes, liuliu kona-ba kestaun limpeza no konserva sidade Díli moos nafatin.

2. Rezolusaun Governu nian ne'ebé aprova realizasaun akordu hirak hamutuk ho comunidade sira ne'ebé hela iha zona Baze Lojística Suai nian no ninia aeroportu

Konstrusaun infraestruturua ida-ne'e nian importante tebes ba dezenvolvimentu país nian hanesan inisiativa ida di'ak hosi populasaun sira ne'ebé oferese sira nia rai. Nune'e atu fatin ba dezenvolvimentu obra sira Baze Lojística Suai nian no rekonversaan no remodelasaun ba ninia aeroportu sei halo akordu hamutuk ho populasaun sira ne'ebé hela iha fatin-ne'e no mós representante comunidade lokál nian sira.



Palácio do Governo,
Avenida Presidente Nicolau Lobato,
Díli, Timor-Leste

pcm.gov.tl@gmail.com
(+670) 33 310 608